

VERÐBÓLGUSPÁ


13.júní 2014 | Greining Íslandsbanka

Samantekt

- Spáum 0,2% hækkun VNV í júní
- Verðbólga hjaðnar úr 2,4% í 2,1%
- Engar áhrifamiklar verðhækkanir skýra hækkun VNV í júní
- Spáum 2,0% verðbólgu yfir árið 2014
- Spáum 3,1% verðbólgu yfir árið 2015

	1m	3m	6m	12m	24m
Breyting VNV	0,2%	0,2%	1,1%	2,8%	5,9%
Á ársgrundvelli	2,4%	0,8%	2,3%	2,8%	2,9%
	2013	2014	2015		
Verðbólga yfir árið (des.-des.)	4,2%	2,0%	3,1%		
Verðbólga milli ára	3,9%	2,2%	3,0%		
Launabreyting yfir árið	6,0%	4,7%	6,0%		
Kostn. v/eigin húsn., yfir árið	7,6%	6,4%	5,7%		
GVT ISK (ársmeðaltal)	218,9	208,1	210,0		

Spáum 0,2% hækkun neysluverðs í júní




Við spáum því að vísitala neysluverðs (VNV) hækki um 0,2% í júní. Gangi spá okkar eftir hjaðnar verðbólga úr 2,4% í 2,1%, enda hækkaði VNV um 0,5% í júní í fyrra.

Verðbólguhorfur eru allgóðar fyrir yfirstandandi ár. Líkt og áður þá gerum við ráð fyrir að verðbólgan muni aukast á næsta ári samhliða auknum umsvifum í hagkerfinu. Þó teljum við að verðbólga verði mun minni næstu ár en hún hefur að jafnaði verið undanfarin ár. Hagstofan

birtir VNV fyrir júní kl. 09:00 þann 27. júní næstkomandi.

Engar áhrifamiklar verðhækkanir




Lítið er um stóra hækkunarvalda VNV í júní samkvæmt spá okkar. Stærsti einstaki áhrifavaldurinn er ferða- og flutningaliðurinn. Gerum við ráð fyrir að hann vegi til 0,06% hækkunar VNV í mánuðinum, sem má meðal annars rekja til hækkunar eldsneytisverðs (0,02% í VNV). Að þessu sinni teljum við að lítil breyting verði á flugfargjöldum til útlanda (0,01% í VNV), og þá þrátt fyrir að talsverð breyting hafi verið í verði á fargjöldum til einstakra áfangastaða, bæði til hækkunar og lækkunar.

Spá um verðhækkun mat- og drykkjarvöru (0,05% í VNV) byggir á verðkönnun okkar og skrifast sú hækkun helst á kjöt, grænmeti og ávexti. Af öðrum liðum sem má nefna hér er árstíðarbundin verðhækkun á þjónustu hótela og veitingastaða, sem að okkar mati munu vega til 0,03% hækkunar VNV.

Gögn af íbúðamarkaði benda til þess að húsnæðisliður vísitölunnar (0,03% í VNV) muni lítið hækka þennan mánuðinn sem er ólíkt þróuninni sem verið hefur að undanfögnu. Vísbendingar af markaði benda til þess að reiknuð húsaleiga, sem endurspeglar að mestu markaðsverð húsnæðis, hafi verið óbreytt á milli maí og júní. Samkvæmt verðmælingu okkar mælist lækkun á verði sérbylis á höfuðborgarsvæðinu, en aftur á móti hækkun á íbúðaverði á landsbyggðinni og fjölbýli á höfuðborgarsvæðinu.

Að lokum má nefna að áhrifa lækkunar á krónutölugjöldum áfengis og tóbaks (-0,02 í VNV) gætir í spánni í júní. Samkvæmt verðmælingu okkar höfðu þó ekki nærri allar vintegundir lækkað í verði vegna ofangreindrar lækkunar, og kann því að vera að talsverður hluti vínumboða eigi eftir að ráðast í þá lækkun sem mun þá hafa áhrif síðar í sumar.

Verðbólga svipuð út árið



Verðbólga mælast 2,0% í júlí og ágúst en 2,1% í september. Við gerum í kjölfarið ráð fyrir að verðbólga haldist á svipuðum slóðum út árið, og mælist 2,0% í árslok.

Á næsta ári teljum við að verðbólga aukist heldur. Framleiðsluspenna myndast væntanlega í hagkerfinu, og endurspeglast það í hraðari hækkun launa og áframhaldandi raunhækkunar fasteignaverðs. Við spáum því að verðbólga verði að jafnaði 3,1% á árinu 2015, og raunar hljóðar spá okkar fyrir árið 2016 einnig upp á 3,1% hækkun að jafnaði.

Langtímaspá okkar byggir á þeim forsendum að íbúðaverð hækki um 5% – 7% á ári hverju út spátímann, laun taki að hækka hraðar frá og með næsta ári samhliða því að framleiðsluspennan eykst í efnahagslífinu, og að gengi krónu haldist óbreytt í námunda við núverandi gildi.

Umsjón og tengslaupplýsingar

Umsjón: Greining Íslandsbanka, netfang: greining@islandsbanki.is; Ásta Björk Sigurðardóttir (440 4636) og Jón Bjarki Bentsson (440 4634)
 Ábm.: Ingólfur Bender, forstöðumaður Greiningar Íslandsbanka (440 4635)
 Verðbréfamiðlun: Hópnúmer 440 4499, netfang: vbm@islandsbanki.is
 Gjalddeyrismiðlun: Hópnúmer 440 4490, netfang: fxm@islandsbanki.is

Lagalegur fyrirvari

Skýrsla þessi er tekin saman af Greiningu Íslandsbanka hf. (Íslandsbanki).

Upplýsingar í skýrslu þessari eru upprunnar frá innlendum og erlendum upplýsinga- og fréttaveitum, sem taldar eru áreiðanlegar, ásamt opinberum upplýsingum, eigin úrvinnslu Greiningar og mati á hverjum tíma. Upplýsingarnar hafa ekki verið kannaðar sjálfstætt af Íslandsbanka og ábyrgist bankinn ekki nákvæmni upplýsinganna, áreiðanleika eða réttmæti þeirra. Skoðanir höfunda geta breyst án fyrirvara og ber Íslandsbanka ekki skylda til að uppfæra, lagfæra eða breyta skýrslunni við breyttar forsendur.

Skýrslan er einungis birt í upplýsingaskyni og skal því ekki litið á hana sem ráðleggingu/ráðgjöf um að ráðast eða ráðast ekki í tiltekna fjárfestingu eða tilboð um að kaupa, selja eða skrá sig fyrir tilteknum fjármálagerningum. Íslandsbanki og starfsmenn bankans bera ekki ábyrgð á viðskiptum sem kunna að vera gerð á grundvelli þeirra upplýsinga sem fram koma í skýrslunni. Þeim aðilum sem hafa hug á viðskiptum er bent á að leita sér sérfræðilegrar ráðleggingar og kynna sér vel hina ýmsu fjárfestingarkosti sem í boði eru. Fjárfestingum fylgir ávallt fjárhagsleg áhætta og ber m.a. að hafa í huga áhættu vegna alþjóðlegra fjárfestinga og gengisflöks gjaldmiðla. Fjárfestingamarkmið og fjárhagsstaða fjárfesta er mismunandi. Bent skal á að árangur í fortíð er ekki trygging um árangur í framtíð.

Skýrslur og aðrar upplýsingar sem berast frá Íslandsbanka eru einungis ætlaðar til einkanota. Hvorki má afrita efnið, vitna í það né dreifa því, í heild eða að hluta, án skriflegs leyfis frá Íslandsbanka.

Skýrsla þessi er stutt samantekt og ber ekki að líta svo á að í henni sé að finna allar tiltækar upplýsingar um þau viðfangsefni sem hún fjallar um.

Eftirlitsaðili: Fjármálaeftirlitið (www.fme.is).

BANDARÍKIN

Skýrslu þessari eða afritum hennar má ekki dreifa í Bandaríkjunum eða til viðtakenda sem eru bandarískir ríkisborgarar í andstöðu við takmarkanir sem kveðið er á um í bandarískum lögum. Dreifing skýrslunnar í Bandaríkjunum kynni að teljast brot á þeim lögum.

KANADA

Upplýsingarnar í skýrslu þessari eru ekki ætlaðar til dreifingar eða útbreiðslu með neinum hætti í Kanada og því ber ekki að líta á þær sem fjármálaráðgjöf eða ráðleggingu um fjárfestingar í skilningi kanadískra verðbréfalaga.

ÖNNUR LÖND

Lög og reglugerðir í öðrum löndum kunna einnig að takmarka dreifingu skýrslu þessarar.

Frekari upplýsingar varðandi efni Greiningar Íslandsbanka má finna á vefsíðunni: <http://islandsbanki.is>